

Frumvarp til laga

um breytingu á lögum nr. 73/2005, um skipan ferðamála, með síðari breytingum.

(Lagt fyrir Alþingi á 140. löggjafarþingi 2011-2012)

1. gr.

Eftirfarandi breytingar verða á 4. gr. laganna:

3. töluliður orðast svo: Markaðsmál ferðapjónustu innan lands.

Við greinina bætist nýr töluliður: Varsla og rekstur Framkvæmdasjóðs ferðamannastaða.

2. gr.

5 gr. laganna verði svohljóðandi:

Ráðherra skipar samráðsvettvang um ferðamál til fjögurra ára í senn. Þar skulu eiga sæti ellefu fulltrúar.

Ráðherra skipar formann samráðsvettvangsins án tilnefningar en aðra fulltrúa skipar ráðherra eftir tilnefningu eftirtalinna: Ferðamálastofa tilnefnir einn fulltrúa, Félag leiðsögumanna tilnefnir einn fulltrúa, Íslandsstofa tilnefnir einn fulltrúa, Ferðamálasamtök Íslands og markaðsstofur landshlutanna tilnefna einn fulltrúa sameiginlega, Rannsóknamiðstöð ferðamála tilnefnir einn fulltrúa, Samband ísl. sveitarfélaga tilnefnir tvo fulltrúa, Samtök ferðapjónustunnar tvo fulltrúa og Umhverfisstofnun einn fulltrúa.

3. gr.

6. gr. laganna verður svohljóðandi:

Hlutverk samráðsvettvangs um ferðamál er að vera ráðherra til ráðgjafar um stefnumótun og fagleg málefni auk þess að vera tengiliður hans við hagsmunaaðila.

Samráðsvettvangur um ferðamál skal einnig:

- a. veita ráðherra upplýsingar um aðgerðir til að efla ferðapjónustu
- b. fylgjast með framkvæmd ferðamálaáætlunar
- c. samræma innbyrðis starf aðila samráðsvettvangsins og koma í veg fyrir tvíverknað
- d. fjalla um umhverfismál tengd ferðapjónustu og gera tillögur um úrbætur
- e. veita umsögn um lög og reglur er varða ferðamál
- f. skila árlega greinargerð til ráðherra um ofangreint og annað sem samráðsvettvangurinn telur nauðsynlegt að koma á framfæri um ferðamál.

Samráðsvettvangur um ferðamál heldur að lágmarki fjóra fundi á ári.

4. gr.

Eftirfarandi breytingar verði á 7. gr. laganna:

- a. Númeraröð skilgreininga breytist þannig að þær raðast í stafrófsröð.
- b. Við skilgreiningu hugtaksins **bókunarþjónusta** bætist: Starfsemi bókunarþjónustu er umboðssala og því má sá, sem rekur bókunarþjónustu, ekki skipuleggja eða setja saman ferðir og selja. Bókunarþjónusta ber ekki ábyrgð á framkvæmd ferða og skýrt þarf að vera í hvers umboði ferðir, gisting og önnur þjónusta er seld eða bókuð.
- c. Skilgreining hugtaksins **ferðaskipuleggjandi** verður svohljóðandi: **Ferðaskipuleggjandi** merkir í lögum þessum hvern þann sem að eigin frumkvæði eða að beiðni viðskiptavinar, setur saman, skipuleggur eða býður fram í atvinnuskyni hvers kyns ferðir eða ferðatengda afþreyingu aðra en sölu alferða. Þetta á meðal annars við um skipulagningu ferða sem eru skemmri en 24 klukkustundir án gistingar og fela í sér þátttöku í frístundaiðju. Með hugtakinu „í atvinnuskyni“ er átt við það þegar leyfishafi skipuleggur eða selur ferðir gegn endurgjaldi.

5. gr.

Eftirfarandi breytingar verði á 8. gr. laganna:

- a. 3. mgr. fellur brott og í hennar stað kemur ný málsgrein, svohljóðandi: Leyfi til reksturs ferðaskipuleggjanda og ferðaskrifstofu skal veitt til fimm ára í senn og getur leyfishafi sótt um endurnýjun leyfis að þeim tíma loknum. Leyfi er óframseljanlegt.
- b. 8. mgr. fellur brott.

6. gr.

Við 9. gr bætast þrjú nýir stafliðir, g, h, og i, sem verða svohljóðandi:

- g. hafa skráð starfsemina hjá ríkisskattstjóra,
- h. hafa kynnt sér lög og reglugerðir um ferðamál og tengd svið sem starfsemin byggir á
- i. leggja fram öryggisáætlun sbr. 12. gr.

7. gr.

Á eftir 9. gr. laganna koma þrjár nýjar greinar og breytist töluröð annarra greina samkvæmt því.

- a. 10. gr. orðast svo:
Óheimilt er að skipta um leyfishafa eða forsvarsmann hans án samþykkis Ferðamálastofu. Leyfishafi ber ábyrgð samkvæmt leyfinu þar til Ferðamálastofa hefur samþykkt nýjan leyfishafa. Gildistími leyfis breytist ekki þó Ferðamálastofa heimili breytingar skv. 1. mgr..
- b. 11. gr. orðast svo:
Sækja skal um endurnýjun leyfis að minnsta kosti þremur mánuðum áður en gildandi leyfi rennur út.

Um endurnýjun leyfis skal farið sem um nýtt leyfi sé að ræða samkvæmt 9. gr. Við endurnýjun ferðaskrifstofuleyfis skal umsækjandi einnig leggja fram bókhaldsgögn samkvæmt 3. mgr. 21. gr.

- c. 12. gr. orðast svo:

Hver sá aðili sem býður ferðamönnum upp á skipulagðar ferðir innan lands skal útbúa og skila til Ferðamálastofu öryggisáætlun vegna þeirra ferða. Öryggisáætlun samanstendur af áhættumati sbr. 2. mgr., verklagsreglum sbr. 3. mgr. og viðbragðsáætlun sbr. 4. mgr.

Framkvæma skal mat á þeirri áhættu sem felst í ferðinni og skulu kaupendur og þátttakendur ferðar vera upplýstir um þá áhættu sem í henni felst.

Útbúa skal verklagsreglur um veitingu þjónustunnar. Þar skulu m.a. koma fram upplýsingar um reynslu, kunnáttu og þekkingu á staðhátum starfsmanna viðkomandi ferðar og hvernig fjarskiptum skuli háttað þegar vá ber að. Verklagsreglur skulu taka mið af áhættumati sbr. 2. mgr.

Útbúa skal viðbragðsáætlun sem tekur mið af áhættumatinu sbr. 2. mgr. Í áæltuninni skal vera lýsing á því hver viðbrögð verða þegar hættu eða slys ber að höndum.

Uppfæra skal og senda Ferðamálastofu uppfærða öryggisáætlun þegar tilefni er til.

Öryggisáætlun skal vera á íslensku. Ferðamálastofa getur ákveðið annað þegar sérstakar ástæður mæla með því.

Ráðherra getur með reglugerð kveðið nánar á um þau atriði sem skulu að lágmarki koma fram í öryggisáætlun sbr. 1. mgr.

8. gr.

Orðin: „allt að“ í 2. málslíð 15. gr. falla brott.

9. gr.

Eftirfarandi breytingar verða á 17. gr:

- a. Á eftir 1. málslíð 1. mgr. koma tveir nýir málslíðir svohljóðandi: Þegar fjárhæð tryggingar er ákvörðuð skal hún metin út frá samanburði á tryggingarskyldri veltu síðasta og yfirstandandi árs sbr. 2. mgr. 20. gr. og 3. mgr. 21. gr. Þegar fjárhæð tryggingar er ákvörðuð í fyrsta skipti skal hún metin út frá samanburði á áætlaðri tryggingarskyldri veltu yfirstandandi og næsta árs sbr. 1. mgr. 21. gr.

17. gr. a. fellur brott.

10. gr.

4. mgr. 18. gr. fellur brott.

11. gr.

12. gr.

Á eftir orðunum „kröfulýsingu í Lögbirtingablaði“ í 1. málslíð 19. gr. kemur: og jafnframt á annan hátt eins og heppilegt þykir hverju sinni.

13. gr.

Í stað 1. mgr. 26. gr. laganna koma þrjár nýjar málsgreinar er orðist svo:

Brot gegn ákvæðum þessara laga og, eftir atvikum, stjórnvaldsfyrirmælum settum samkvæmt þeim varða sektum nema þyngri refsing liggji við samkvæmt öðrum lögum.

Við ákvörðun um fjárhæð sekta skal taka tillit til fjárhagslegs styrkleika viðkomandi aðila, eðlis þess brots sem um ræðir og þeirra hagsmuna sem í húfi eru.

Heimilt er að kveða nánar á um ákvörðun, fjárhæð og innheimtu sekta í reglugerð.

14. gr.

Á eftir orðunum „veitingu þjónustunnar“ í 2. málslíð 27. gr. koma orðin: og eftirliti með leyfishöfum og skráningarskyldum aðilum.

15. gr.

Lög þessi öðlast þegar gildi.

Ákvæði til bráðabirgða.

Leyfi sem voru gefin út fyrir gildistöku laganna skal endurnýja eigi síðar en 1. janúar 2015.